

Waa'ee Talaalii COVID-19 Gaaffilee Yeroo Heddu Gaafataman

Yeroo ammaa kana tarii waa'ee talaalii COVID-19 baayyee dhagahaa jirta ta'a. Akkaataa talaaliiwwan COVID-19 itti hojjatamaa jiran irratti gaaffiiwwan baratamoof deebii kennuu barbaanna.

Talaaliin COVID-19 haala kamiin saffisaan hojjatamuu danda'e?

Akka beekamutti, talaaliin sirrii fii kan hojjatu ta'uu isaa qorachuun mirkaneeffachuun utuu talaaliin hedduun hin hojjatamin dura taasifama. Sababa weeraraati fii mallaqa mootummaa fedaraalaatin, qorattootni lamaanuu bakka takkatti hojjachaa jiru. Talaaliiwwan qoratamanii fii nageenyummaan isaanii barame qofatu fayyadamama.

Talaaliin akkamitti qoratamaa jira?

Talaaliiwwan COVID-19 hedduu qorannoo keessa jira. Qorannoowwan kunniin yaalii kilinikaalawaa jedhamu. Tokkoon tokkoo talaalii qorannoo tokkoo ol keessa darba. Jalqaba, talaaliin namoota hayyamamoo ta'an muraasa irratti ilaalame, achiimmoo dhibboota muraasa, achiimmoo namoota kumaatamoota kudhanii irratti taasifame. Hayyamamtootni yaalii talaalii COVID-19 namoota hawaasa makaa garagaraa irraa dhufanii dha. Kuni adeemsa wal fakkaataa talaaliin biraa ittiin qoratamuudha.

Talaaliin akkamiin hayyama argata?

Talaaliiwwan qorannoo hunda darbaniif, gareen ogeeyyii fayyaa bu'aa qorannoo isaanii akkasumas, miira namootaa erga talaalicha fudhatanii boodaa ilaalu. Talaalichi kan hojjatu fii sirrii yoo ta'e, hayyama argata. Gareewwan saayintistootaa fii ogeeyyotaa hedduu kan ragaalee talaalii COVID-19 ilaalanii fii eeruu kennan hedduutu jiru. Talaaliiwwan hayyama argatan qofatu namaaf kennama.

Eenyutu talaalii jalqaba fudhata?

Gareen gorsitoota biyyaalessaa kan CDC ragaalee ilaaludhaan eenyu jalqaba talaalicha fudhachuu akka qabu eeruu kenna. Gareen muraasni kan COVID-19 dhaaf caalmaatti saaxil bahoo ta'an yookan COVID-19 dhaan baayyee dhukkubsachuu danda'an dursa talaalicha fudhatu. Minesootaan tuuta ogeeyyotaa kan talaalichi akka namoota hundaaf qixa dhiyaatu, qulqullina fayyaa irratti hundaa'an qabdi.

Talaaliin hedduun yoo argame, namootni hedduun ni talaallamu, garuu namoota hundaaf talaaliin dhiyaachuu dura ji'oota muraasa ni fudhata.

Odeeffannoo dabalataa waa'ee talaalii COVID-19 tiif marsariitii muummee fayyaa daawwadhu.

Minnesota Department of Health
Communications Office
PO Box 64975
St. Paul, MN 55164-0975
651-201-4989
health.communications@state.mn.us
www.health.state.mn.us

11/09/20 (Oromo)

Odeeffannoo kana roga biraatin argachuuf: 651-201-4989 irratti bilbili.